



ԲՆԱՊԱՀՊԱՆՈՒԹՅԱՆ ԵՎ ԸՆԴԵՐՔԻ ՏԵՍՉԱԿԱՆ ՄԱՐՄԻՆ

Ո Ր Ո Շ ՈՒ Մ N 11-Ա

ՍՏՈՒԳՄԱՆ ՎԱՐՈՒՅԹԸ ԿԱՍԵՑՆԵԼՈՒ ՄԱՍԻՆ

01-ը մարտի 2024 թվական

քաղաք Երևան

Հայաստանի Հանրապետության բնապահպանության և ընդերքի տեսչական մարմնի (այսուհետ՝ Տեսչական մարմին) ղեկավար Հովհաննես Մարտիրոսյանս, քննության առնելով Հերիքնազ Պարույրի Դալլաքյան ֆիզիկական անձի իրականացված ստուգման վարույթի նյութերը՝

Պ Ա Ր Զ Ե Ց Ի

Տեսչական մարմնի ղեկավարի 2024 թվականի հունվարի 18-ի «Ստուգում իրականացնելու մասին» թիվ 09-Ա հանձնարարագրի (այսուհետ՝ Հանձնարարագիր) հիման վրա նախատեսվել է առանձնահատուկ ստուգում իրականացնել Հերիքնազ Պարույրի Դալլաքյանի մոտ:

Համաձայն Տեսչական մարմնի Արարատի տարածքային բաժնի գլխավոր պետական տեսուչ Հովսեփ Հարությունյանի՝ 2024 թվականի փետրվարի 23-ի արձանագրության Հանձնարարագիրը Հերիքնազ Պարույրի Դալլաքյանին հանձնելու, ապա ստուգում իրականացնելու նպատակով Հանձնարարագրով նշված ստուգող խումբը բազմիցս այցելել է Արարատի մարզի Նիզամի բնակավայր՝ Հերիքնազ Պարույրի Դալլաքյանի փաստացի գործունեության հասցե, սակայն չի հաջողվել վերջինիս հանդիպել և հանձնել Հանձնարարագիրը: Վերը նշված հանձնարարագիրը փոստային ծառայության միջոցով առաքվել է ստուգվող սուբյեկտի հաշվառման հասցե, սակայն չի ստացվել: Այնուհետև 2024 թվականի փետրվարի 15-ին Հանձնարարագիրը տեղադրվել է Հայաստանի Հանրապետության հրապարակային ծանուցումների պաշտոնական azdara.am ինտերնետային կայք, որն ուժի մեջ է մտել նույն թվականի փետրվարի 20-ին: Ստուգող խումբը 2024 թվականի փետրվարի 23-ին ՆԳՆ ոստիկանության Մասիսի բաժնի աշխատակիցների հետ այցելել է Հերիքնազ Պարույրի Դալլաքյանի հաշվառման հասցե, որտեղ վերջինս հայտարարել է, որ գտնվում է վատառողջ վիճակում, չի կարող ընթերցել և ծանոթանալ Հանձնարարագրին, ուստի հրաժարվել է ստորագրել և ստանալ այն:

Վերջինիս տեղեկացվել է, որ սույն թվականի փետրվարի 26-ից ստուգում իրականացնող կազմը ստուգում իրականացնելու նպատակով այցելելու է Արարատի մարզի Նիզամի բնակավայրի վարչական տարածքում գտնվող Հերիքնազ Պարոյրի Դալլաքյանին պատկանող ձկնաբուծարան:

Տեսչական մարմնի գլխավոր պետական տեսուչ Հովսեփ Հարությունյանի՝ 2024 թվականի փետրվարի 28-ի թիվ 03/14 արձանագրության համաձայն՝ ստուգող խումբը 2024 թվականի փետրվարի 26-ին, 27-ին և 28-ին ստուգում իրականացնելու նպատակով այցելել է Արարատի մարզի Մասիս համայնքի Նիզամի բնակավայրի վարչական տարածք՝ Հերիքնազ Պարոյրի Դալլաքյանին պատկանող ձկնաբուծական տնտեսություն, ապա ստուգվող սուբյեկտի բնակության հասցե, սակայն վերջինիս հանդիպել չի հաջողվել:

Համաձայն «Վարչարարության հիմունքների և վարչական վարույթի մասին» Հայաստանի Հանրապետության օրենքի 49-րդ հոդվածի 2-րդ մասի «ա» կետի վարչական մարմինը կարող է կասեցնել վարչական վարույթը, եթե՝

/.../ վարչական ակտի հասցեատերը բացակայում է, և վարչական մարմինը, նախքան վարչական ակտ ընդունելը, անհրաժեշտ է համարում նրա ներկայությունը՝ վարույթին առնչվող որոշ կարևոր հանգամանքներ նրանից պարզելու համար. /.../, ուստի նշվածով պայմանավորված անհրաժեշտ է կասեցնել ստուգման վարույթը մինչև վարչական ակտի հասցեատիրոջ ներկայությունն ստուգման վարույթին ապահովելը:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 29.1-րդ հոդվածի 15-րդ մասով և 49-րդ հոդվածի 2-րդ մասի «ա» կետով՝

Ո Ր Ո Շ Ե Ց Ի

1. Վարչական մարմնի կողմից հարուցված վարչական վարույթը կասեցնել, մինչև կասեցման համար հիմք հանդիսացած հանգամանքների վերացումը:

2. Սույն որոշումն ուժի մեջ է մտնում այն Հերիքնազ Պարոյրի Դալլաքյան ֆիզիկական անձին հանձնելու (հանձնված համարվելու) օրվան հաջորդող օրվանից և կարող է բողոքարկվել վերադասության կարգով Տեսչական մարմնի ղեկավարին՝ որոշումն հանձնված համարելու օրվանից մեկամսյա ժամկետում կամ ՀՀ վարչական դատարան՝ ուժի մեջ մտնելու պահից երկամսյա ժամկետում:~



Հ. ՄԱՐՏԻՐՈՍՅԱՆ